

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
Z E N I C A
Broj: T04 0 KT 0046825 21
Zenica, 21.07.2025. godine

OPĆINSKI SUD U ŽEPČU
- Sudiji za prethodno saslušanje -
Ž E P Č E

Na osnovu člana 45. stav 2. tačka i) i člana 241. stav 1. Zakona o krivičnom postupku, F BiH, p o d i ž e m

O P T U Ź N I C U

Protiv,

H. A., neosuđivan,

što je,

1. dana 12.09.2021. godine, na području općine Ž., zajednički i po prethodnom dogovoru sa K. H. (koji je presudom Općinskog suda u Ž. pravosnažno presuđen za ovo krivično djelo), s ciljem da sebi pribavi protupravnu imovinsku korist, na način da je prethodno oštećenju Z. Dž. putem mobilnog telefona i aplikacije „Whats app“, lažno prikazao da je K. H. konzul i zaposlenik Ambasade ... i da može pomoći da dobije radnu dozvolu i zaposlenje u ..., kao i smještaj za svoju mldb. kćerku i roditelje, čime je istu doveo u zabludu da mu pristane dati novac za to, kada su se po ovakvom dogovoru sa oštećenom našli na BP "...", a nakon kraćeg zadržavanja svi se uputili u restoran "..." u Ž. kojom prilikom su dogovorili da će K. H. oštećenju zakazati termin za razgovor o radnoj dozvoli za medicinsku sestru, pa je oštećena vjerujući u to, K. H. predala novac u iznosu od 1.000 KM, ličnu dokumentaciju kao i lične podatke za pristup njenoj elektronskoj pošti, a nakon što je putem e-maila od strane Ambasade obaviještena da je storniran termin za razgovor koji je ranije zakazala i ujedno zatražen novi termin ali za drugo zanimanje, ponovo kontaktirala H. A. i obavijestila ga o tome i po njegovoj uputi, dana 16.09.2021. godine sastala sa osumnjičenima na parking prostoru ispred restorana "..." u Ž. i H. A. predala novac u iznosu od 750 Eura za prijevod dokumentacije na ... jezik i osiguranje stana u ... kao i ličnu dokumentaciju njenih roditelja, nakon čega je putem e-maila vidjela da joj je ponovo zakazan termin za razgovor i o tome obavijestila H. A. od kojeg je dobila uputu da im donese još 1.000 KM za obnavljanje termina, što je oštećena i učinila dana 18.09.2021. godine kada se sastala sa osumnjičenima na BP "..." i A. predala traženi iznos novca, iako su bili svjesni da K. H. nije zaposlenik Ambasade ... i da oštećenju ne može pomoći oko zaposlenja, već je prevariti i na tako prevaran način prisvojiti novac, što su i htjeli, jer oštećenju radna dozvola nije izdata niti joj je novac do današnjeg dana vraćen, na koji način je Z. Dž. oštećena za novčani iznos od oko 3.500,00 KM,

dakle, s ciljem da sebi pribavi protupravnu imovinsku korist lažnim prikazivanjem činjenica doveo drugog u zabludu i time ga naveo da na štetu svoje imovine nešto učini,

2. tokom mjeseca septembra 2021. godine, putem mobilnog telefona i aplikacije "WhatsApp" ugrozio sigurnost Z. Dž. na način da je istoj, nakon što mu je saopćila da je išla kod advokata i da će ga tužiti jer ju je prevario na način opisan pod tačkom 1. ove Naredbe, psovao i uputio ozbiljnu prijetnju da će ubiti nju i njenu porodicu „kroz vrata sa pištoljem“ u S., iako je bio svjestan i znao da će ovakve njegove riječi kod oštećene izazvati osjećaj straha i nesigurnosti, što je i htio, koje prijetnje su kod Z. Dž. ugrozile osjećaj sigurnosti, izazvale strah, osjećaj uznemirenosti i bojazni za njen život, ali i život njene porodice,

dakle, ugrozio sigurnost više osoba,

čime je učinio pod tačkom 1. krivično djelo prijevare iz člana 294. stav 1. u vezi sa članom 31. KZ F BiH, a pod tačkom 2. u sticaju krivično djelo ugrožavanje sigurnosti iz člana 183. stav 2. KZ F BiH, u vezi sa članom 54. KZ F BiH.